

盡六入盡六入盡更盡更盡痛痒盡痛痒盡  
 愛盡愛盡成就盡成就盡有盡有盡生盡生  
 盡老死盡憂愁苦不可意劇便盡如是最無  
 有量苦陰便盡佛告諸比丘彼時念是以自  
 得故道所佛從是往得便隨已隨便知老死  
 亦知老死習亦知老死滅亦知老死行令度  
 生亦亦亦有亦亦亦亦亦亦亦亦亦亦亦更  
 亦亦亦亦亦亦亦亦亦亦亦亦亦亦亦亦亦  
 便知癡亦知癡習本亦知癡盡亦知受行令  
 癡盡辟比丘若人在空澤間閑處行便見故  
 道故有行者迹人便隨迹已隨迹便見故城  
 好足園好足饒樹好足池好足河好山塹亦  
 好處熾饒園樂便念是若我今往當白王我  
 為行在空澤間閑處便見故道故人行處便  
 隨已隨見故城好足園好足饒樹好足池好  
 足河好山塹亦好處熾饒園樂可王居王便  
 取居却後稍嚴稍增熾多人饒佛告諸比丘  
 我亦如是得故道所佛本從是行者我便隨

已隨便知老死從所亦知老死從聚亦知老  
 死何盡亦知老死何行得度世知生亦亦知  
 有亦亦亦亦亦亦亦亦亦亦亦亦亦亦亦亦  
 更亦亦亦亦亦亦亦亦亦亦亦亦亦亦亦亦  
 知作行亦亦亦亦亦亦亦亦亦亦亦亦亦亦  
 滅亦亦亦亦亦亦亦亦亦亦亦亦亦亦亦亦  
 優婆塞優婆夷若比丘為比丘如有應受行  
 便得道不失道能巧道比丘尼亦亦亦亦亦  
 亦亦亦亦亦亦亦亦亦亦亦亦亦亦亦亦亦  
 能如應法行如是無為行者增多方至天亦  
 人已見佛說如是誼比丘取著意佛說行者受  
 佛說貝多樹下思惟十二因緣經

女 貝多樹下思惟

華亭縣白砂鄉十五保橫港西居住奉

佛弟子夏楠普照寺僧元一各施淨財恭入

磧砂延聖院經坊刊造十二因緣經所集

功德上答四恩下資三有法界有情同成種智者

淳祐元年十月

奉佛弟子夏楠同僧元一謹題

大唐三藏聖教序 太宗文皇帝製

蓋聞二儀有像顯覆載以含生四時無形潛  
 寒暑以化物是以窺天鑑地庸愚皆識其端

明陰洞陽賢哲罕窮其數然而天地苞乎陰陽而易識者以其有像也陰陽處乎天地而難窮者以其無形也故知像顯可徵雖愚不惑形潛莫覩在智猶迷況乎佛道崇虛乘幽控寂弘濟萬品典御十方舉威靈而無上抑冲力而無下大之則弥於宇宙細之則攝於毫釐無滅無生歷千劫而不古若隱若顯運百福而長今妙道疑玄遵之莫知其際法流湛寂挹之莫測其源故知蠢蠢凡愚區區庸鄙投其盲趣能無疑惑者哉然則大教之興基乎西土騰漢庭而皎夢照東域而流慈昔者分形分跡之時言未馳而成化當常現常之世民仰德而知道及乎晦影歸真遷儀越世金容掩色不鏡三千之光麗象開圖空端四八之相於是微言廣被拯含類於三途遺訓遐宣導群生於十地然而真教難仰莫能一其旨歸曲學易遵邪正於焉紛紜所以空有之論或習俗而是非大小之乘乍公時而

隆替有玄奘法師者法門之領袖也幼懷貞敏早悟三空之心長契神情先苞四忍之行松風水月未足比其清華仙露明珠詎能方其朗潤故以智通無累神測未形超六塵而迥出隻千古而無對凝心內境悲正法之陵遲栖慮玄門慨深文之訛謬思欲分條析理廣彼前聞截偽續真開茲後學是以翹心淨土往遊西域乘危遠邁杖策孤征積雪晨飛途間失地驚砂夕起空外迷天萬里山川撥煙霞而進影百重寒暑躡霜雨而前蹤誠重勞輕求深願達周遊西宇十有七年窮歷道邦詢求正教雙林八水味道飡風鹿苑鷲峯瞻奇仰異承至言於先聖受真教於上賢探蹟妙門精窮奧業一乘五律之道馳驟於心田八藏三篋之文波濤於口海爰自所歷之國摠將三藏要文凡六百五十七部譯布中夏宣揚勝業引慈雲於西極注法雨於東華聖教缺而復全蒼生罪而還福濕火宅之乾

燄共拔迷途明愛水之昏波同臻彼岸是知  
惡因業墜善以緣昇昇墜之端惟人所託譬  
夫桂生高嶺零露方得滋其花蓮出涿波飛  
塵不能汙其葉非蓮性自潔而桂質本貞良  
由所附者高則微物不能累所憑者淨則濁  
類不能沾夫以卉木無知猶資善而成善况  
乎人倫有識不緣慶而求慶方冀茲經流施  
將日月而無窮斯福遐敷與乾坤而永大

皇太子臣治述

聖記

在春宮日製

夫顯揚正教非智無以廣其文崇闡微言非  
賢莫能定其旨蓋真如聖教者諸法之玄宗  
衆經之軌躅也綜括宏遠與旨遐深極空有  
之精微體生滅之機要詞茂道曠尋之者不  
究其源文顯義幽履之者莫測其際故知聖  
慈所被業無善而不臻妙化所敷緣無惡而  
不翦開法網之綱紀申六度之正教拯群有  
之塗炭啓三藏之秘局是以名無翼而長飛  
道無根而永固道名流慶歷遂古而鎮常赴

感應身經塵劫而不朽晨鍾夕梵交二音於  
鷲峯慧日法流轉雙輪於鹿苑排空寶蓋接  
翔雲而共飛莊野春林與天華而合彩伏惟  
皇帝陛下 上玄資福垂拱而治八荒德被黔  
黎殿柱而朝萬國恩加朽骨石室歸貝葉之  
文澤及蛄蟲金匱流梵說之偈遂使阿耨達  
水通神甸之大川耆闍崛山接嵩華之翠嶺  
竊以法性凝寂靡歸心而不通智地玄奧感  
懇誠而遂顯豈謂重昏之夜燭慧炬之光火  
宅之朝降法雨之澤於是百川異流同會於  
海萬區分義摠成乎實豈與湯武校其優劣  
堯舜比其聖德者哉玄奘法師者夙懷聰令  
立志夷簡神清韶亂之年體拔浮華之世疑  
情定室匿迹幽巖栖息三禪巡遊十地超六  
塵之境獨步迦維會一乘之旨隨機化物以  
中華之無質尋印度之真文遠涉恒河終期  
滿字頻登雪嶺更獲半珠問道往還十有七  
載備通釋典利物爲心以貞觀十九年二月

教要文凡六百五十七部引大海之法流洒塵  
勞而不竭傳智燈之長燄皎幽闇而恒明自非  
久植勝緣何以顯揚斯旨所謂法相常住齊三  
光之明我皇福臻同二儀之固伏見 御製衆經  
論序照古騰今理含金石之聲文抱風雲之潤治  
輒以輕塵足岳墜露添流略舉大綱以爲斯記

女 月多字三經  
華真縣長人鄉北之保南童子西居生奉  
心施財恭入 延聖院經局刊 大藏緣起經 功德追薦亡翁陳淨善亡妻孫氏二  
娘子佛道先考陳佛智先妣潘氏三娘子善勳三人孫共二承事主夫母妻佛過  
承此經緣同生淨土

淳祐元年五月

日佛弟子陳普興

謹題

### 緣起聖道經

唐三藏法師玄奘奉詔譯

如是我聞一時薄伽梵在室羅筏國住誓多  
林給孤獨園與大苾芻衆千二百五十人俱

及諸菩薩摩訶薩等無量大衆

尔時世尊告諸大衆吾未證得三菩提時獨  
處空閑寂然冥坐發意思惟甚奇世間沉倫  
苦海都不覺知出離之法深可哀愍謂雖有  
生有老有死此没彼生而諸有情不能如實  
知生老死出離之法我復思惟由誰有故而

有老死如是老死復由何緣我於此事如理  
時便生如是如實現觀由有生故便有老死  
如是老死由生爲緣我復思惟由誰有故而  
得有生如是生者復由何緣我於此事如理  
思時便生如是如實現觀由有有故便得有  
生如是生者由有爲緣我復思惟由誰有故  
而得有有如是生者復由何緣我於此事如  
理思時便生如是如實現觀由有取故便得  
有有如是生者由取爲緣我復思惟由誰有  
故而得有取如是取者復由何緣我於此事  
如理思時便生如是如實現觀由有愛故便  
得有取如是取者由愛爲緣我復思惟由誰  
有故而得有愛如是愛者復由何緣我於此  
事如理思時便生如是如實現觀由有受故  
便得有愛如是愛者由受爲緣我復思惟由  
誰有故而得有受如是受者復由何緣我於  
此事如理思時便生如是如實現觀由有觸  
故便得有受如是受者由觸爲緣我復思惟



由誰有故而得有觸如是觸者復由何緣我  
 於此事如理思時便生如是如實現觀由有  
 六處便得有觸如是觸者六處為緣我復思  
 惟由誰有故而六處如是六處復由何緣  
 我於此事如理思時便生如是如實現觀由  
 有名色便有六處如是六處名色為緣我復  
 思惟由誰有故而有名色如是名色復有何  
 緣我於此事如理思時便生如是如實現觀  
 由有識故便有名色如是名色由識為緣我  
 齊此識意便退還不越度轉謂識為緣而有  
 名色名色為緣而有六處六處為緣而有其  
 觸觸為緣受受為緣愛愛為緣取取為緣有

大 月方寸三經

八

邪

有為緣生生為緣故便有老死愁歎憂苦擾  
 惱生起如是積集純大苦聚我復思惟無有  
 誰故而無老死由誰滅故老死隨滅我即於  
 此如理思時便生如是如實現觀無有生故  
 便無老死由生滅故老死隨滅我復思惟無  
 有誰故而無有生由誰滅故此生隨滅我即

於此如理思時便生如是如實現觀無有有  
 故便無有生由有滅故生即隨滅我復思惟  
 無有誰故而無有有由誰滅故此有隨滅我  
 即於此如理思時便生如是如實現觀無有  
 取故便無有有由取滅故有即隨滅我復思  
 惟無有誰故而無有取由誰滅故此取隨滅  
 我即於此如理思時便生如是如實現觀無  
 有愛故便無有取由愛滅故取即隨滅我復  
 思惟無有誰故而無有愛由誰滅故此愛隨  
 滅我即於此如理思時便生如是如實現觀  
 無有受故便無有愛由受滅故愛即隨滅我  
 復思惟無有誰故而無有受由誰滅故此受  
 隨滅我即於此如理思時便生如是如實現  
 觀無有觸故便無有受由觸滅故受即隨滅  
 我復思惟無有誰故而無有觸由誰滅故此  
 觸隨滅我即於此如理思時便生如是如實  
 現觀無六處故便無有觸六處滅故觸即隨  
 滅我復思惟無有誰故而無六處由誰滅故

女 復心等三經

九

邪

六處隨滅我即於此如理思時便生如是如  
實現觀無名色故便無六處名色滅故六處  
隨滅我復思惟無有誰故而無名色由誰滅  
故名色隨滅我即於此如理思時便生如是  
如實現觀無有識故便無名色由識滅故名  
色隨滅我復思惟無有誰故而無有識由誰  
滅故此識隨滅我即於此如理思時便生如  
是如實現觀無有行故便無有識由行滅故  
識即隨滅我復思惟無有誰故而無有行由  
誰滅故此行隨滅我即於此如理思時便生  
如是如實現觀無有明故便無有行無明滅  
故行即隨滅由行滅故識亦隨滅由識滅故  
名色隨滅名色滅故六處隨滅六處滅故觸  
亦隨滅由觸滅故受亦隨滅由受滅故愛亦  
隨滅由愛滅故取亦隨滅由取滅故有亦隨  
滅由有滅故生亦隨滅由生滅故老死愁歎  
憂苦擾惱皆亦隨滅如是求滅純大苦聚我  
復思惟我今證得舊道舊徑舊所行跡古昔

諸仙之所遊履辟如有人遊行曠野嶮穢稠  
林欬然值遇舊道舊徑舊所行跡古昔諸人  
嘗所遊履彼即尋行既尋行已見舊城郭古  
昔王都園林池沼無不具足淨妙街衢甚可  
愛樂其人見已如是思惟我今宜應速詣王  
所啓白斯事尔時彼人便到王所啓白王言

大王當知我有因緣遊行曠野嶮穢稠林欬  
然值遇舊道舊徑舊所行跡古昔諸人嘗所  
遊履我即尋行既尋行已見舊城郭古昔王  
都園林池沼無不具足淨妙街衢甚可愛樂  
大王今者若都彼城定使大王昌隆廣大安  
隱豐樂人民熾盛尔時其王便都彼城後時  
女具多等三經

王都昌隆廣大安隱豐樂人民熾盛我亦如  
是今已證得舊道舊徑舊所行跡古昔諸仙  
嘗所遊履何等名爲舊道舊徑舊所行跡古  
昔諸仙嘗所遊履當知即是八支聖道謂初  
正見次正思惟正語正業正命正勤正念正  
定唯至第八如是名爲舊道舊徑舊所行跡

古昔諸仙嘗所遊履我昔尋行既尋行已曾見老死見老死集見老死滅見於老死趣滅行跡如是曾見生有取愛受觸六處名色識行曾見行集曾見行滅曾見於行處趣滅行跡我於此法自然通達現等覺已告諸苾芻諸苾芻尼鄔波索迦鄔波斯迦及告種種外道沙門諸婆羅門雜出家類無量大眾是諸苾芻若於此中能修正行成能證者便能證得正理法善諸苾芻尼鄔波索迦鄔波斯迦無量大眾若於此中能正修行成能證者便能證得正理法善如是乃能增廣梵行亦當饒益無量眾生為諸天人正善開示時諸苾芻及諸菩薩摩訶薩等無量大眾聞佛所說歎未曾有皆大歡喜信受奉行

緣起聖道經：

佛說稻芊經

先譯附東晉錄

如是我聞一時佛住王舍城耆闍崛山中與大比丘眾千二百五十人俱及大菩薩摩訶薩眾爾時尊者舍利弗往至弥勒經行處其弥勒舍利弗俱坐石上尔時尊者舍利弗問弥勒言今日世尊觀見稻芊而作是說汝等比丘見十二因緣即是見法即是見佛尔時世尊作是說已嘿然而住弥勒世尊何故說是修多羅復以何義說見十二因緣即是見法見法即是見佛皆以何義作如是說云何是十二因緣云何見因緣即是見法云何見法即是見佛

尔時弥勒語舍利弗言佛世尊常說見十二因緣即是見法見法即是見佛十二因緣者無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死憂悲苦惱眾苦聚集為大苦陰作因緣是故佛說十二因緣云何是法八正